

in memoriam

dekaan en vanaf 1986 tot sy aftrede in 1991 viserektor van die Universiteit van Transkei; was ook 'n oudstudent van Fort Hare en die Rhodes-universiteit; en was onder meer ook verbonde aan die Universiteit van Kaapstad en Fort Hare-universiteit; was 'n isiXhosa-eksaminator vir die destydse nasionale onderwysdepartement asook 'n eksterne eksaminator vir verskeie universiteite; vanaf 1999 was hy 'n parlamentslid vir die UDM en later vir die ANC; na sy aftrede was hy onder meer betrokke by die heropbou van 'n opleidingskollege op Qumbu.

Mev MJ (Ria) Meyer (86) van Groenkloof. Voltooi haar BA-graad in 1938 en haar SOD in 1939. Oorlede 16 Januarie 2004 na 'n kort siekbed.

Mnr RB (Reinhardt) Moolman (72) van Parow. Het sy BComm in 1967, sy MBA sowel as sy Hons BB + A in 1975 verwerf.

Mnr AJ (Appie) Mouton (81) van Johannesburg. Verwerf sy BSc-graad in 1943 aan die US.

Mev CJ (Cecily) Muller (83) van Stellenberg. Oudinwoner van Huis ten Bosch (1939). Verwerf haar BSc Huishoudkunde aan die universiteit. Oorlede 30 Desember 2003.

Dr CFB (Beyers) Naudé (89) van Northcliff. Oudinwoner van Wilgenhof. Verwerf sy BA-graad in 1934 en sy MA in 1936 aan die US (sien berig op bl 6).

Mnr N (Norman) Nieder-Heitmann (83) van Mosselbaai. Oudinwoner van Dagbreek – 1940. Verwerf sy BA in 1942 en sy SOD in 1943.

Mnr JMT (Jan) Nortjé (84) van Moorreesburg. Verwerf sy BA en SOD in 1943 en sy BA Hons in 1960.

Ds JT (Theo) Pienaar (65) van Pretoria, het sy Kweekskoolopleiding in die jare 1966 tot 1969 in Matieland voltooi. Hy het as predikant gedien in die gemeentes Kimberley-Noord, Hartswater en Lichtenburg. Hy was ook altyd kunstenaar en tydens sy kweekskooljare het hy voorblaai vir die kweekskoolblad, plateomslag vir die Universiteitskoor en andere ontwerp. Hy het in die kweekskoolkoor o.l.v. prof Gawie Cilliers gesing en gedien op die Koor- en Polumniabestuur. Na sy vroeë aftrede weens swak gesondheid het hy hom heelhartig aan sy skilderwerk gewy waarmee hy tot sy dood met oorgawe besig was. Hy het oral waar hy gewoon het aan kunsuitstallings deelgeneem en ook sy droom om 'n solo-uitstalling te hou in 2000 in Pretoria vervul.

Ds JHT (Jan) Reyneke (83) van Sunnyside. Verwerf sy BA in 1945. Predikant in die NG Kerk van 1950 tot 1970. Oorlede in Pretoria op 21 April 2004 net voor sy 84ste verjaarsdag.

Mnr JD (Jan) Roux (65) van Villiersdorp. Verwerf sy BSc in 1958 aan die US.

Prof FJ (Fritz) Schuddeboom (90) from Durban, MSc in 1973, head of the Department of Pure and Applied Mathematics from 1962 until 1979.

He also lectured at the University of Cape Town. After his retirement he continued lecturing and only went on full-time retirement in 2000.

Mnr Boetman Smit (86) van die Strand, koshuisvader van Hombré op Stellenbosch in die 1960's en ere-president van die Private Studente-Organisasie op Stellenbosch. Bekende in Bolandse bank- en sport-kringe met sowat 40 jaar in diens van Volkskas en later Absa. Hy was bankbestuurder op onder meer Moorreesburg, Stellenbosch, Porterville, Harrismith en in Oos-Londen.

Mev RDJ (Roux) Smit (née du Pisani) (102) van Welkom. Oudinwoner van Crozierhuis. Verwerf haar Onderwysdiploma aan die Victoria College in 1920-1922. Begin haar onderwysloopbaan op Douglas en vandaar na die Laerskool Burgersdorp. Tree in die huwelik met 'n plaasboer, waar sy vir meer as 60 jaar boervrou was en 'n belangrike rol in die gemeenskap gespeel het. Sy is in Welkom by haar dogter (Matiestudent Trinette Smit 1956-1959), oorlede.

Mnr MT (Twakkies) Steyn (84) van Sun Valley. Oudinwoner van Dagbreek. BA Tale, BA LO en Remediërende Onderwys. Was Bofbalkaptein 1944 en het ook aktief deelgeneem aan rugby en tennis. Met sy aftrede was hy hoof van die Instituut vir Meisies, Durbanville.

Mnr SJ (Simon) Streicher (82) van Swellendam; B.Comm in 1942. Daarna klerkskap by Theron van der Poel en Kie van Kaapstad en Paarl. Bekende boer; effekthebberskenner en familienavorser.

Dr GJJ (Gert) Swart (68) van Oudtshoorn. Voltooi sy Dip. in Klin. Rem. Onderwys in 1997; B.Ed in 1982; M.Ed in 1985 en D.Ed in 1991.

Mnr W (Willem) Theron, (90) van Hartenbos; studeer BSc en Onderwys en oudinwoner van Dagbreek. Hy tree af as Direkteur van Onderwys van Administrasie van Kleurlingsake (soos dit toe bekend gestaan het). Hy was ook skoolhoof op verskeie plekke, oa Colesberg en Keimoes.

Prof D (Dave) Tromp (61); DComm in 1980 aan die US, voormalige direkteur van die US Bestuurskool (USB) in Bellville en afgetrede voorsitter van die Departement Bedryfsielkunde. Prof Tromp was vroeër verbonde aan Sasol, die destydse Stellenbosch Boerewynmakery en vanaf 1977 dosent in menslike hulpbronnebestuur by die USB, waar hy tot Junie 1997 die direkteur was en daarna nog drie jaar as voorsitter van die Departement Bedryfsielkunde. Hy het op baie terreine 'n navolgenswaardige voorbeeld gestel, onder meer as uitstaande en internasionaal gerespekteerde akademikus; as leier en voortreflike bestuurder (by die USB waar hy die basis vir internasionalisering vestig het en daarna as voorsitter van Bedryfsielkunde); en as entrepreneur van faam, met die waagmoed om op die hoogtepunt van sy loopbaan die sakewêreld as onafhanklike entrepreneur te betree en 'n reusesukses daarvan te maak. Ook as gesinsmens het hy sy vrou, Glodi, hul dogter en seun (asook skoonseun wat vroeg oorlede is) se ondernemings heelhartig ondersteun.

Mev G (Gerda) van der Wat (47) van Mafikeng. Sy het beide aan die Worcester-ondewyskollege en die US studeer.

Dr AR (Ovidius) van Eeden van Stilbaai. Verwerf 'n BSc-graad met hoofvakke Geologie en Chemie in 1929 en daarna 'n DSc In 1941.

Mnr DE (Sonkie) van Niekerk (75) van Gordonsbaai; BA (1948) aan die US. Hy het tot 1954 in die Staatsdienskommissie in Pretoria gewerk en daarna op sy familie se plaas by Hogsback in die Cathcart-distrik geboer voordat hy in Januarie 1964 by die Universiteit aangestel is. Hy het in 1990 as assistentregistrator en hoof van die Afdeling Kursusse afgetree. In 1994 het hy en sy vrou, Marita, wat 'n dosent in rekeningkunde aan die US was, Pretoria toe verhuis waar sy 'n professoraat aan die UP aanvaar het.

Mev MH (Maria) van Niekerk (70), van Stellenbosch, oudpersoneellid van die Universiteitsbiblioteek en vrou van prof Herman van Niekerk, 'n oudsielkundedosent. Sy word onthou as 'n harde werker en 'n saggeaarde mens met 'n goeie humorsin.

Prof TGD (Theuns) van Schalkwyk (83) van Nuweland. Oudinwoner van Dagbreek. Verwerf sy BSc In 1941 en sy MSc In 1943. Hy was verbonde aan die Universiteit van Rhodes en Kaapstad. Hy is in 1960 aangestel as die eerste Professor in Fisika aan die nuutgestigte Universiteit van Wes-Kaapland en daar klas gegee tot en met sy aftrede in 1985.

Mnr MJ (Tien) van Tonder (83) van Stellenbosch. Oudinwoner van Dagbreek. Verwerf sy BSc in 1950 en sy SOD in 1954. Hy is 'n Oudmatie wat in die sestigerjare as tegniese beampste aan die Universiteit verbonde was, onder meer aan die departemente Biochemie, Chemie en Fisiologie, waarna hy tot die chemiese bedryf toetree het.

Mnr JJ (Jurie) van Zyl (77) van Westville, Durban. Was 'n inwoner van Dagbreek gedurende die tydperk vanaf 1944-46 en aan Huis Marais vanaf 1947-48. Verwerf sy BSc in 1947 en sy BSc Ing in 1948.

Dr WA (Willem) van Zyl (54) van Odendaalsrus. Voltooi sy B.Sc in 1975 en sy B.ChD in 1981.

Mnr NJJ (Nicolaas) Visser (43) van Heidelberg. Hy verwerf sy BA-graad in 1983 en sy M.S en S. in 1985 aan die US.

Dr M (Magda) Way (née Olivier) van Nieu-Seeland. Oudinwoner van Heemstede en Huis de Villiers. Behaal doktorsgraad in die Wysbegeerte oor Kaapse Bergmeubels 1952 tot 1830 in Maart 1990. Voor haar verhuising na Nieu-Seeland was sy Assistentdirekteur van die Suid-Afrikaanse Kultuurhistoriese Museum in Kaapstad (Iziko Museums).